

CONSORZI DA SCOLA SUMVITG-TRUN



NOVITADS DA SCOLA

Schaner 2020

Preziai geniturs, preziaj responsabels d'educaziun

El num dallas scolastas e dils scolasts sco era dil cussegl da scola giavischein nus a Vus cletg e ventira egl onn niev che ha gest entschiet.

Igl onn vargau ei ius a fin cun in tschuat occurenzas d'advent e Nadal. Ellas scolas da Rabius e Trun han scolaras e scolars, scolastas e scolasts ed era ils geniturs e la populaziun festivau quei bi temps en cuminonza. Quellas fiastas ein rituals che serepetan mintg'onn e che han in impurtont e prezius effect. Ellas promovon e mantegnan la buna convivenza ed in clima social e cordial. Perquei han els in plaz fix ell'agenda da nossas duas scolas.



Ils scolars primars da Trun fan il sault dils nanins durant la fiasta da Nadal (Foto: Lotar Tomaschett).

Bugen tarmettein nus a Vus informaziuns davart las proximas occurenzas ell'agenda dil Consorzi da scola Sumvitg-Trun. Ellas completeschan las informaziuns sin nossa pagina d'internet, nua che Vus anfleis adina tut nos termins e nossas actualitads (www.scolasumvitgtrun.ch).

Salids amicabels

Peter Kreiliger

Meinascola

Erica Cavegn-Pfister

Presidenta dil cussegl da scola

Scola da skis

Dils 6 tochen ils 10 da schaner ha liug l'jamna da skis per la scoletta. Cun quell'jamna vulein nus promover tier ils affons il plascher vid il moviment ed il sport d'unviern. L'instrucziun vegn dada dalla scola da skis da Mustér ed ha liug mintgamai igl avonmiezdi sil runal dalla Péra.

CONSORZI DA SCOLA SUMVITG-TRUN



NOVITADS DA SCOLA

Schaner 2020

Acziun „meil da pausa“

Dils 13 tochen ils 17 da schaner vegn danovamein reparti meila durant la pausa d'avonmiezdi. Cun quei serrein nus quest'acziun che promova il nutriment frestg e sanadeivel e che vegn era sustenida dil cantun Grischun.

Midada da semester/brat tier ils roms ATT ed ELT

Culla midada da semester ils 27 da schaner bratta era l'instrucziun dad art textil e tecnic (ATT) ed economia, lavur e tenercasa (ELT) tier la 1. e 2. classa superiura. Ils scolars fineschan perquei l'instrucziun dad autras uras che duront igl'empre semester.

Transport

Il bus da scola allas 14:55 (Trun) rsp. allas 15:15 (Rabius) cursescha mo sche scolars primars termineschjan lur instrucziun da quell'uras. Scolars pertuccai che han negin bus da scola da quell'uras han la pusseivladad da s'annunziar tier lur scolast da classa sch'els vulan restar en scola per ina lecziun da studi.

Meisa da miezdi

Era la preschientscha alla meisa da miezdi ei pertuccada da quei brat. Il scolast da classa vegn a plidentar Vos affons avon la fin digl'empre semester en caussa. Ulteriuras midadas tier la preschientscha dalla meisa da miezdi san vegnir annunziadas enteifer las duas empremas jamnas dil secund semester al secretariat.

Tscheiver

Al til da tscheiver dad uonn prendan tons scolars sco gia daditg buc pli part! La scoletta, la 5 e 6avla classa e tut las classas dil scalem superiur ein dalla partida. Durant il til vegnan ils scolars surveglai dallas personas d'instrucziun. Silsuenter vegnan els surdai puspei alla responsabladad dils geniturs.

Prevenziun da medias

Ils 11 da fevrer ha liug in di da prevenziun da medias per la 5 e 6avla classa da Rabius e da Trun. Personas dil fatg dalla Pro Juventute fan in luvratori davart las schanzas e las rescas dallas medias digitalas.

Dis da prevenziun

Ils 31 da mars ha liug per il scalem superiur in di da prevenziun cun differentas tematicas. L'emprema classa sefatschenta cul diever dallas medias, la secunda classa culla prevenziun da drogas e mieds nuscheivels e la tiarza classa culla sanadad sexuala.

La sera ha liug in'occurenza per ils geniturs davart il tema prevenziun. In'invitaziun detagliada suonda, nus selegressen dad ina gronda participaziun da Vossa vart.

CONSORZI DA SCOLA SUMVITG-TRUN



NOVITADS DA SCOLA

Schaner 2020

Jamna da project

Ils 25 tochen ils 29 da matg ha liug l'jamna da project dil scalem superiur. La tiarza classa passenta l'entira jamna en in camp a Tenero per far differentas activitads sportivas e tgirar la cumpignia. L'emprema e secunda classa stattan a Trun, era tier ellas stattan activitads da cuminonza e sportivas el center.

Presentaziun publica dils projects d'individualisaziun

El niev rom d'individualisaziun realiseschan tut las scolaras ed ils scolars dalla tiarza classa superiura in project persunal. La sera dils 8 da zercladur presentan els quels a geniturs ed interessai.

In'invitaziun detagliada suonda, nus selegressen dad ina gronda participaziun da Vossa part.

Temps da preschientscha

Il meinascola Peter Kreiliger ei presents per regla il gliendisdis ed il venderdis ella casa da scola a Trun e la mesjamna e la gievgia ella casa da scola a Rabius. La secretaria Rita Wolf ei presenta ella casa da scola da Trun per regla il gliendisdis ed il mardis. Duront las vacanzas ei la preschientscha sporadica.

Per discuors eis ei d'avantatg da s'annunziar avon per telefon ni per mail:

Meinascola: meinascola@scolasumvitgtrun.ch

081 936 33 05

Secretariat: administraziun@scolasumvitgtrun.ch

081 936 33 04

Termins

21 da fevrer: Turnier da notg

24 – 28 da fevrer: Vacanzas da sport

11 da mars: Formaziun interna dallas personas d'instrucziun (liber per scolaras e scolars)

14 d'avrel: Conferenza cristiana per las personas d'instrucziun (liber per scolaras e scolars)

27 d'avrel – 1. da matg: Vacanzas da primavera

19 da zercladur: Fin digl onn da scola (messa a Trun allas 14:15, messa a Rabius allas 14:00)

Ulteriurs termins sco era il plan da vacanzas 2020/21ein indicai sin nossa pagina d'internet.

Las proximas novitads da scola cumparan il zercladur, alla fin digl onn da scola..